

**AAAAIEE AAA # 489 - 0A0A0EAAE I O UEIAAAI 0A0IAEA 0AIEIEO0OI O 0AAOI
0AIAOEE EO EOEAEE OE E DEOE - "112"-EO II IOAAOAAEO 0AxAOOOE, IEOE
AAIAEAAEE AA AAAAEO BAOE AAIOEEYAAEO UA0AA**

მიღებულია - 27.12.2011 წ

ძალაშია - 01.01.2012 წ

25.04.2012 წ - მდგომარეობით

მიმღები: საქართველოს მთავრობა

მუხლი 1. "საქართველოს შინაგან საქმეთა სამინისტროს საჯარო სამართლის იურიდიული პირის - "112"-ის შექმნის შესახებ" საქართველოს კანონის მე-8 მუხლის მე-2 პუნქტისა და "ელექტრონული კომუნიკაციების შესახებ" საქართველოს კანონის შესაბამისად, დამტკიცდეს თანდართული "საქართველოს შინაგან საქმეთა სამინისტროს საჯარო სამართლის იურიდიული პირის - "112"-ის მომსახურების საფასური, მისი განაკვეთი და გადახდის წესი".

მუხლი 2. დადგინდება ამოქმედდეს 2012 წლის 1 იანვრიდან.

პრემიერ-მინისტრი

ნ. გილაური

გამოქვეყნების წყარო:

მაცნეს ვებ პორტალი

29.12.2011

**BAOE - 0A0A0EAAE I O UEIAAAI 0A0IAEA 0AIEIEO0OI O 0AAOI 0AIAOEE EO EOEAEE OE E DEOE
- "112"-EO II IOAAOAAEO 0AxAOOOE, IEOE AAIAEAAEE AA AAAAEO BAOE**

I0aE E # 1 - 0AxAOOOE AA IEOE AAIAEAAEE

1. საქართველოს შინაგან საქმეთა სამინისტროს საჯარო სამართლის იურიდიული პირის - "112"-ის (შემდგომში - 112) მომსახურების საფასურის (შემდგომში - საფასური) გადამხდელები არიან ფიქსირებული გეოგრაფიული ან არაგეოგრაფიული ზონის და მობილური სატელეფონო მომსახურების მიმღები აბონენტები (შემდგომში - აბონენტი).

2. საფასური (დღგ ის ჩათვლით) შეადგენს:

ა) ფიქსირებული გეოგრაფიული და არაგეოგრაფიული ზონის სააბონენტო ნომერზე ყოველ კალენდარულ თვეში, მიუხედავად აბონენტგად გახლომის რიცხვისა:

ა.ა) ფიზიკური პირისთვის - 0.20 ლარს;

ა.ბ) იურიდიული პირისთვის, ორგანიზაციისთვის, დაწესებულებისთვის - 0.50 ლარს;

ბ) მობილური სატელეფონო მომსახურების მიმღები აბონენტებისთვის სააბონენტო ნომერზე ყოველ კალენდარულ თვეში, მიუხედავად აბონენტგად გახლომის რიცხვისა:

ბ.ა) ფიზიკური პირისთვის - 0.20 ლარს;

ბ.ბ) იურიდიული პირისთვის, ორგანიზაციისთვის, დაწესებულებისთვის - 0.50 ლარს.

3. ფიქსირებული გეოგრაფიული და არაგეოგრაფიული ზონის სააბონენტო ნომერზე საფასური გადაიხლება:

ა) სააბონენტო ნომერზე, რომელზეც ხდება სააბონენტო გადასახდელის ღარიცხვა და კალენდარული თვის განმავლობაში ერთხელ მაინც იყო ორმხრივად ჩართული;

ბ) სააბონენტო ნომერზე, რომელზეც არ ხდება სააბონენტო გადასახდელის ღარიცხვა და კალენდარული თვის განმავლობაში მოხდა ფასიანი მომსახურების შექენა ან ფასიანი მომსახურებით სარგებლობა;

გ) სატელეკომუნიკაციო მომსახურების პაკეტის შექმნისას ან სარგებლობისას, თუ ამ პაკეტით მიწოდებული სააბონენტო ნომრის მეშვეობით კალენდარული თვის განმავლობაში მოხდა ფასიანი მომსახურების შექმნა ან ფასიანი მომსახურებით სარგებლობა.

4. ამ მუხლის მე-2 პუნქტის "ბ" ქვეპუნქტით გათვალისწინებულ შემთხვევებში საფასური გადაიხდება თითოეულ სააბონენტო ნომერზე, რომელზეც კალენდარული თვის განმავლობაში ჯამში მოხდა 5 ლარზე მეტი ღირებულების მომსახურების შექმნა ან მომსახურებით სარგებლობა.

5. საფასური არ გადაიხდება სააბონენტო ნომერზე, რომელიც გამოიყენება საკონტროლო სალარო აპარატებში.

6. სააბონენტო ნომრების პორტირების შემთხვევაში საფასურის ღარიცხვა ხდება ცალ ცალკე პორტირებამდე და პორტირების შემდგომ პერიოდის მიხედვით.

106E # 2 - 0A×A000E0 AAAAaAE0/AlI UAAE0 BA0E

1. საფასურის ამოღებას, ამ დადგენილებით განსაზღვრული წესით, უზრუნველყოფს ელექტრონული საკომუნიკაციო მომსახურების მიმწოდებელი პირი (შემდგომში - მომსახურების მიმწოდებელი).

2. საფასური არ აისახება მომსახურების მიმწოდებლის ერთობლივ შემოსავალში. მომსახურების მიმწოდებელი ვალდებულია საფასური ყოველთვიურად განცალკევებულად ასახოს მის მიერ აბონენტისთვის გაწეული მომსახურების ანგარიშში.

3. სააბონენტო ნომერზე საფასურის ღარიცხვა ხდება ყოველი კალენდარული თვის მიხედვით, ხოლო საფასურის გადახდა/ამოღება ხდება სააბონენტო გადასახდელთან ან ელექტრონული საკომუნიკაციო მომსახურების ღირებულებასთან ერთად. აბონენტის მიერ მომსახურების მიმწოდებლისთვის გადახდილი თანხიდან პირველ რიგში უნდა დაიფაროს საფასური.

4. თუ აბონენტს ერიცხება საფასურისა და მომსახურების მიმწოდებლისადმი დაგროვილი დავალიანება, პირველ რიგში უნდა დაიფაროს საფასური და შემდეგ - მომსახურების მიმწოდებლისადმი არსებული დავალიანება.

5. აბონენტის მიერ დაგროვილი დავალიანების თვეების მიხედვით დაფარვისას საფასურისა და მომსახურების მიმწოდებლისადმი არსებული დავალიანების დაფარვა ხდება თანმიმდევრულად, დავალიანების ღარიცხვის თვეების მიხედვით. პირველ რიგში სრულად იფარება შესაბამისი თვის საფასური და შემდეგ - მომსახურების მიმწოდებლისადმი არსებული შესაბამისი თვის დავალიანება.

6. მომსახურების მიმწოდებელი ვალდებულია ყოველი მომდევნო თვის არა უგვიანეს 3 სამუშაო დღის ვადაში 112-ის მიერ განსაზღვრული ფორმით და შინაარსით წარუდგინოს მას საფასურის ღარიცხვასა და გადახდასთან დაკავშირებული ინფორმაცია სააბონენტო ნომრების მიხედვით.

7. მომსახურების მიმწოდებელი ვალდებულია ყოველი მომდევნო თვის არა უგვიანეს 7 სამუშაო დღისა იმ დროისთვის გადახდილი/ამოღებული საფასური სრულად ჩარიცხოს 112-ის მიერ წინასწარ განსაზღვრულ საბანკო ანგარიშზე.

8. მომსახურების მიმწოდებელი ვალდებულია წერილობითი მითხონიდან არა უგვიანეს 7 სამუშაო დღისა 112-ს წარუდგინოს საფასურის ამოღებასთან დაკავშირებული ნებისმიერი ინფორმაცია.

9. მომსახურების მიმწოდებლის მიერ ამ დადგენილებით მასზე დაკისრებული ვალდებულებების შესრულებაზე კონტროლს ახორციელებს საქართველოს კომუნიკაციების ეროვნული კომისია.

10. მომსახურების მიმწოდებლის მიერ ამ დადგენილებით მასზე დაკისრებული ვალდებულებების შეუსრულებლობა წარმოადგენს "ელექტრონული კომუნიკაციების შესახებ" საქართველოს კანონის 45-ე მუხლით დადგენილი პასუხისმგებლობის დაკისრების საფუძველს.

106E # 3 - 0A×A000E0 AAAAaAE0AAA1 AAEEAAE00×E AAA

1. ამ წესის პირველი მუხლის მე-2 პუნქტის "ა.ა" ქვეპუნქტით დადგენილი საფასურის გადახდისაგან თავისუფლებიან "სოციალურად დაუცველი ოჯახების მონაცემთა ერთიან ბაზაში" რეგისტრირებული ოჯახის წევრები, რომელთა სარეგიონო ქულა არ აღემატება 70 000-ს.

2. საჯარო სამართლის იურიდიული პირი - სოციალური მომსახურების სააგენტო ვალდებულია უზრუნველყოს მომსახურების მიმწოდებელთა წვდომა "სოციალურად დაუცველი ოჯახების მონაცემთა ერთიან ბაზასთან" და

მომსახურების მიმწოდებლებს პერიოდულად მიაწოდოს ინფორმაცია ერთიან ბაზაში სოციალურად დაუცველი ოჯახების/პირების ღამაგების ან სტაგუსის გაუქმების შესახებ.

3. "სოციალურად დაუცველი ოჯახების მონაცემთა ერთიან ბაზაში" რეგისტრირებულ პირებს ამ მუხლის პირველი პუნქტით გათვალისწინებული უფლება წარმოეშობათ ან უქმდებათ "სოციალურად დაუცველი ოჯახების მონაცემთა ერთიან ბაზაში" რეგისტრაციის ან რეგისტრაციის გაუქმების თვის მომდევნო თვიდან.

4. თუ აბონენტის იდენტიფიცირება ვერ ხერხდება "სოციალურად დაუცველი ოჯახების მონაცემთა ბაზის" მიხედვით, აბონენტმა ამ მუხლის პირველი პუნქტით გათვალისწინებული შედეგით სარგებლობისათვის მომსახურების მიმწოდებელს უნდა წარუდგინოს იდენტიფიცირებისათვის აუცილებელი ინფორმაცია/დოკუმენტები.

ἸΘἀÉ É # 4 - ἀΑÉ ὐΑÉΘΘÉ ἈΑÉΘ ὐΑ×ὐΡἈἈÉ ἈἈ ὐΑΘΘΘÉ ἈἈΘÉ É ὐΑἸὐὐΑἸ ἈἈἸ ἸÉὐἈἈΘÉ É ὐΑἸἸ ὐἈἈἈÉ É

112 უფლებამოსილია ფიზიკურ და იურიდიულ პირებთან დადებული ხელშეკრულებების საფუძველზე გასწიოს სხვა სახის მომსახურებაც. ასეთი მომსახურების საფასურის ოდენობა განისაზღვრება შესაბამისი ხელშეკრულებით.

რეგისტრირებულია საქართველოს იუსტიციის სამინისტროში
სარეგისტრაციო კოდი: 040030000.10.003.016649